

## XX. Februarii.

111. JUSTICIA herbacea, capitulis imbricatis, floribus quadrifidis longe divisis.

*Radix* lignosa, hinc inde sparsa, fibris filiformibus durioribus.

*Caulis* suffrutescens, lignosus, duor. vel trium pedum altitudine, erectus, tenuis; ramis oppositis, brachiatis, sed sæpe deficiunt ab uno alterove latere; tener, glaber.

*Folia* inferiora decidua; superiora pauca, virentia, ovato-oblonga, acuta, mox sensim mucronata, uncialia, tenera, pubescentia, integerrima. *Petoli* oppositi, vix femunciales, magis pilosi, superne lineola concavati.

*Flores* in spicis terminalibus, sessilibus, laxè imbricatis. *Bracteis* ovatis & subrorundo-ovatis, planiusculis, apice leviter patulis, acuminatis, trinerviis, margine pubescenti-ciliatis, cum pilis rotas, sed tenerimis ramusculis.

*CAL.* *Perianthium* monophyllum, breve, ad basin fere unam quartam partem partitum: laciniis sursum setaceis, angustissimis.

*COR.* monopetala, tubulata, inæqualis. *Tubus* longus, filiformis, angustus, calyce duplo triplove longior, sursum leviter arcuatus, tener. *Limbus* erecto-patens, tubi longitudine, ad basin quadripartitum: *laciniis* superiore lanceolata, acuta, concava, paulullum adscendente.

*SEM.* *Filamenta* duo, capillaria, ad medium limbi attingentia, labio superiori parallela & contigua. *Antheræ* oblongæ, simplices.

*PIS.* *Germen* lineari-oblongum. *Stylus* . . . *Stigma* simplex, birenatum, paulo compressum.

*PER.* *Capsula* parva, oblonga, compressa, sursum latior, apice obtuse acuminata, bivalvis, dissepimenti margine denticulos elasticos gerente.

*SEM.* duo, subrotunda, compressa, punctis elevatis scabra. *Color* Corollæ albus, lab. superius ad basin levi purpura tinctum.

112. JUSTICIA corolla longius tubulata.

*CAL.* *Perianthium* tetraphyllum vel ad basin quadripartitum, foliolis teretibus, erectis, filiformibus, persistentibus.

*COR.*